

ხელშეკრულება № 132

სახელმწიფო შესყიდვის შესახებ

ჩოხატაური

28 ივლისი 2017 წელი

ერთი მხრივ, ჩოხატაურის მუნიციპალიტეტი (შემდგომში „შემსყიდველი“) წარმოდგენილი გამგებლის ირაკლი კუჭავას სახით და მეორე მხრივ, შ.პ.ს. „ახალშენი“ საინ.კოდ 404982131 (შემდგომში „მიმწოდებელი“), წარმოდგენილი დირექტორის - დავით ბასილიას სახით სახელმწიფო შესყიდვების კანონის და მიმწოდებლის სატენდერო წინადადების საფუძველზე, **NAT170006611** ელექტრონული ტენდერის (აუქციონის გარეშე) ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

დაფინანსების წყარო: სახელმწიფო ბიუჯეტი - საქართველოს მთავრობის 2017 წლის 14 მარტის N480 განკარგულება - 95%
ადგილობრივი ბიუჯეტი - 5%

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს სამუშაოს მიწოდებას ხელშეკრულების ფარგლებში.
- 1.6. „სამუშაო“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ NAT170006615 ელექტრონული ტენდერის სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1. შესყიდვის ობიექტი: --- ჩოხატაურის მუნიციპალიტეტის ადმინისტრაციულ ერთეულების საჭამიასერისა და ზემოხეთის ადგილობრივი მნიშვნელობის გზებზე ა/ბეტონის საფარის მოწყობის სამუშაოები

2.2. CPV - 45200000

3. ხელშეკრულების ჯამური ღირებულება

3.1. ხელშეკრულების ჯამური ღირებულება შეადგენს -
(ოთხმოცდათერთმეტიათასოთხასოცდათერთმეტი) ლარს დღგ-ს ჩათვლით

91431

(სახელმწიფო ბიუჯეტი - საქართველოს მთავრობის 2017 წლის 2 ივნისის N1091 (14 მარტის N480) განკარგულება - 95% 86859,45 ლარი, ადგილობრივი ბიუჯეტი - 5% 4571,55 ლარი)

ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

3.2. სამუშაოს შესრულების გარანტიის ვადა განისაზღვრება საბოლოო მიღება-ჩაბარების აქტის გაფორმებიდან სამი წლის განმავლობაში. მომწოდებელი ვალდებულია საკუთარი ხარჯებით უზრუნველყოს გამოვლენილი დეფექტების აღმოფხვრა, დეფექტების აღმოჩენიდან არა უმეტეს ერთი თვის ვადაში.

4. ანგარიშსწორების ფორმა და ვადები

4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2. საბოლოო ანგარიშსწორება მოხდება შესრულებულ სამუშაოზე მხარეთა მიერ ხელმოწერილი მიღება-ჩაბარების აქტის, შესრულებული სამუშაოების ფასის, მოცულობებისა და ხარისხის შესაბამისობაზე ექსპერტიზის დასკვნის (ექსპერტიზის დასკვნა გაცემული უნდა იყოს სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს, ან /და სხვა აკრედიტირებული პირების მიერ. იმ შემთხვევაში, თუ დასკვნის გამცემი ორგანო არ იქნება სსიპ „ლევან სამხარაულის სახელობის სასამართლო ექსპერტიზის ეროვნული ბიურო“, მიმწოდებელმა დამატებით უნდა წარმოადგინოს დასკვნის გამცემი პირის აკრედიტაციის დამადასტურებელი დოკუმენტის ასლი, აკრედიტაციის სფერო უნდა ფარავდეს მოთხოვნილ მომსახურებას) და ფინანსური დოკუმენტაციის (ფორმა N2, საგადასახადო ა/ფაქტურა ან/და ზედნადები, წერილობითი მოთხოვნა ანგარიშსწორებისათვის) წარმოდგენის შემთხვევაში.

4.3. მიმწოდებელმა ექსპერტიზის დასკვნა შესრულებულ სამუშაოზე (საბოლოო მიღება-ჩაბარების დროს) უნდა წარმოადგინოს სამუშაოების დასრულების დადასტურების დღიდან 20 კალენდარული დღის ვადაში. აღნიშნული დღეები ვადაგადაცილებაში არ ჩაითვლება.

4.4. მიმწოდებელთან ანგარიშსწორება განხორციელდება მიღება-ჩაბარების აქტზე შემსყიდველის მიერ ხელმოწერიდან 10 სამუშაო დღის განმავლობაში.

4.5. მიმწოდებლის მოთხოვნის შემთხვევაში გამოიყენება წინასწარი ანგარიშსწორება (ავანსი) საბანკო ან სადაზღვევო დაწესებულების მიერ გაცემული უპირებო საბანკო გარანტიის შესაბამისად ხელშეკრულების ჯამური ღირებულების 20%-ის ოდენობით.

5. სამუშაოს მიღება-ჩაბარების წესი

5.1 სამუშაო ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

5.2. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს შემსყიდველი ორგანიზაციის ხელმძღვანელის ბრძანებით დანიშნული ინსპექტირების ჯგუფი.

5.3. მიმწოდებელმა ხელშეკრულების პირობებით გათვალისწინებული სამუშაოების საბოლოო მიღება-ჩაბარების აქტის გაფორმებამდე უნდა წარმოადგინოს შესრულებულ სამუშაოებზე ექსპერტიზის დასკვნა გაცემული ლევან სამხარაულის ექსპერტიზის ბიუროს ან აკრედიტირებული ორგანოს მიერ.

6. სამუშაოს მიწოდების ადგილი და ვადა

6.1 სამუშაოს მიწოდება განხორციელდება ტექნიკურ დოკუმენტაციაში მითითებულ მისამართზე - ჩოხატაური, სოფ. საჭამიასერი, სოფ. ზემოხეთი.

6.2. სამუშაოს მიწოდება განხორციელდება 2017 წლის 28 ივლისიდან 2017 წლის 28 სექტემბრის ჩათვლით.

7. მხარეთა უფლება-მოვალეობები

7.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7.2. შემსყიდველი ვალდებულია უზრუნველყოს მიწოდებული სამუშაოს ღირებულების ანაზღაურება ხელშეკრულებით გათვალისწინებულ ვადებში.

7.3. მიმწოდებელი უფლებამოსილია მოსთხოვოს შემსყიდველს სამუშაოს ღირებულების ანაზღაურება ხელშეკრულებით გათვალისწინებულ ვადებში.

7.4. მიმწოდებელი ვალდებულია მიაწოდოს სამუშაო სათანადო ხარისხით.

7.5. მიმწოდებელი ვალდებულია ფარული სამუშაოების შესრულებისას აცნობოს ინსპექტირების ჯგუფს ფარული სამუშაოების აქტის გაფორმების მიზნით, წინააღმდეგ შემთხვევაში თანხა არ აუნაზღაურდება.

8. ხელშეკრულების შესრულების კონტროლი

8.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია სამუშაო შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2. ხელშეკრულების 8.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს შემსყიდველი ორგანიზაციის მიერ დანიშნული ინსპექტირების ჯგუფი.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

9.2. შემსყიდველი ორგანიზაცია უფლებამოსილია ხელშეკრულების ვადის გასვლის პირობების შეუსრულებლობის შემთხვევაში ცალმხრივად შეწყვიტოს ხელშეკრულება.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 3%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4 მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 10.3 პუნქტით გათვალისწინებულ გადაწყვეტილების მიღების განზრახვის შესახებ

10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10.6. მიმწოდებლის მიერ ხელშეკრულების არაჯეროვნად შესრულების გამო ხელშეკრულების შეწყვეტის შემთხვევაში მიმწოდებელს დაეკისრება პირგასამტეხლო ხელშეკრულების ფასის 5%.

11. ფორს მაჟორი

11.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე. თუ ეს შეუსრულებლობა გამოწვეულია ისეთი გარემოებებით როგორც წყალდიდობაა, ხანძარი, მიწისძვრა და სხვა სტიქიური მოვლენები. აგრეთვე ომები და საომარი მოქმედებები. თუ ისინი უშუალო ზემოქმედებას ახდენენ ხელშეკრულების შესრულებაზე.

11.2. მხარე, რომელსაც შეეძენა ფორს მაჟორული სისტემის დაუყოვნებლივ წერილობით აცნობებს ამის შესახებ მეორე მხარეს.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების შესრულებისა და მოქმედების ვადები

13.1 ხელშეკრულების შესრულების ვადაა 2017 წლის 28 ივლისიდან 2017 წლის 28 სექტემბრის ჩათვლით.

13.2 ხელშეკრულების მოქმედების ვადა განისაზღვრება 2017 წლის 28 ივლისიდან 2017 წლის 28 ოქტომბრის ჩათვლით, გარდა ამ ხელშეკრულების მე-3 მუხლის 3.2 პუნქტისა.

მხარეთა რეკვიზიტები:

„შემსყიდველი“

ჩოხატაურის მუნიციპალიტეტი
საინდ/კოდი 242008705



ი.კუჭავა

„მიმწოდებელი“

შ.პ.ს. „აბალშენი“
საინდ/კოდ 404982131
ს.ს საქართველოს ბანკი
საინდ. კოდი **BAGAGE22**
ანგ. №GE25BG0000000323933800



დ.ბასილია

შესყიდვის ობიექტის ტექნიკური დავალება

ჩოხატაურის მუნიციპალიტეტის ადმინისტრაციული ერთეულების, საჭამიასერისა და ზემოხეთის ადგილობრივი მნიშვნელობის გზების ა/ბეტონის საფარის მოწყობის სამუშაოებისას გასათვალისწინებელი შემდეგი მოთხოვნები:

1. ფარული სამუშაოების წარმოების შემთხვევაში მიმწოდებელი ვალდებულია ორი დღით ადრე აცნობოს ინსპექტირების ჯგუფს და შეადგინოს ფარული სამუშაოების დამადასტურებელი წერილობითი აქტები. ფარული სამუშაოები წარმოებული უნდა იქნეს შემსყიდველის მიერ, ინსპექტირების ჯგუფთან ერთად. აქტი დამოწმებული უნდა იქნეს ორივე მხარის მიერ. იმ შემთხვევაში, თუ ფარული სამუშაოების წარმოებისას მიმწოდებლის მიერ არ ეცნობება ინსპექტირების ჯგუფს, აღნიშნული სამუშაოები არ ჩაითვლება მიღებულად და დამატებით ხარჯებს არსებული სამუშაოს თავიდან საწარმოებლად გაიღებს მიმწოდებელი. წინააღმდეგ შემთხვევაში შემსყიდველი იტოვებს უფლებას ცალმხრივად შეწყვიტოს ხელშეკრულება.
2. მიმწოდებელმა ხელშეკრულების გაფორმებამდე უნდა შეისწავლოს ტექნიკურ დავალებაში მოცემული შესყიდვის ობიექტის აღწერა და წარმოდგენილი ხარჯთაღრიცხვა. გამოვლენილი უზუსტობის შემთხვევაში დაუყოვნებლივ აცნობოს შემსყიდველს, წინააღმდეგ შემთხვევაში პრეტენზია არ განიხილება.
3. სამუშაოს შესრულებისას ნებისმიერი კომუნიკაციის დაზიანების შემთხვევაში საკუთარი ხარჯებით უზრუნველყოს დაზიანების აღმოფხვრა.
4. შესრულებულ სამუშაოთა მაღალი ხარისხის უზრუნველსაყოფად, მიმწოდებელი ვალდებულია წარმოადგინოს ა/ბეტონის ნარევის მარკიანობის ლაბორატორიული დასკვნა, ბიტუმის სერთიფიკატი, გზის საფარიდან ამოჭრილი ა/ბეტონის გამოცდის შედეგები. (მათი ხარისხი უნდა შეესაბამებოდეს საპროექტო დოკუმენტაციით განსაზღვრულ ნორმებს).
ექსპერტიზისათვის წარსადგენი გზის საფარიდან ამოჭრილი ბეტონის ნიმუშის აღება და დალუქვა უნდა განხორციელდეს მიმწოდებლის ექსპერტიზის ჩამატარებელი პირის და შემსყიდველის წარმომადგენლის (ინსპექტირების ჯგუფის წარმომადგენლის) თანდასწრებით. აღნიშნული პროცესის მიმდინარეობა დადასტურებული უნდა იქნას ფოტოგადაღებით. ამ პუნქტის მოთხოვნის დაცვის გარეშე წარმოდგენილი საექსპერტო დასკვნა არ მიიღება.
5. მომწოდებელმა ექსპერტიზის დასკვნა შესრულებულ სამუშაოზე (საბოლოო მიღება-ჩაბარების დროს) უნდა წარმოადგინოს სამუშაოების დასრულების დადასტურების დღიდან 20 (ოცი) კალენდარული დღის ვადაში. აღნიშნული დღეები ვადაგადაცილებაში არ ჩაითვლება.
6. საბოლოო ანგარიშსწორება მოხდება შესრულებულ სამუშაოზე მხარეთა მიერ ხელმოწერილი მიღება-ჩაბარების აქტის, შესრულებული სამუშაოების ფასის, მოცულობებისა და ხარისხის შესაბამისობაზე ექსპერტიზის დასკვნის (ექსპერტიზის დასკვნა გაცემული უნდა იყოს სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს, ან /და სხვა აკრედიტირებული პირების მიერ. იმ შემთხვევაში, თუ დასკვნის გამცემი ორგანო არ იქნება სსიპ „ლევან სამხარაულის სახელობის სასამართლო ექსპერტიზის ეროვნული ბიურო“, მიმწოდებელმა დამატებით უნდა წარმოადგინოს დასკვნის გამცემი პირის აკრედიტაციის დამადასტურებელი დოკუმენტის ასლი, აკრედიტაციის სფერო უნდა ფარავდეს მოთხოვნილ მომსახურებას) და ფინანსური დოკუმენტაციის (ფორმა N2, საგადასახადო ა/ფაქტურა ან/და ზედნადები, წერილობითი მოთხოვნა ანგარიშსწორებისათვის) წარმოდგენის შემთხვევაში.
7. შესრულებული სამუშაო მიღებულად ჩაითვლება შესაბამისი წესით მიღება-ჩაბარების აქტის გაფორმების შემდეგ.
8. მიმწოდებელმა სამუშაოების წარმოება უნდა დაიწყოს ხელშეკრულების გაფორმებიდან ხუთი სამუშაო დღის განმავლობაში, წინააღმდეგ შემთხვევაში მიმწოდებელი იტოვებს უფლებას ცალმხრივად შეწყვიტოს ხელშეკრულება.
9. სამუშაოს შესრულების გარანტიის ვადა განისაზღვრება საბოლოო მიღება-ჩაბარების აქტის გაფორმებიდან სამი წლის განმავლობაში. მიმწოდებელი ვალდებულია საკუთარი ხარჯებით უზრუნველყოს გამოვლენილი დეფექტების აღმოფხვრა, დეფექტების აღმოჩენიდან არა უმეტეს ერთი თვის ვადაში.

